

საქართველოს შინაგან საქმეთა სამინისტროს 2013 წლის ბიუჯეტის 9 თვის შესრულების

ანგარიში

1. სახელმწიფო ბიუჯეტის პრიორიტეტი, რომლის ფარგლებშიც ხორციელდება პროგრამა: თავდაცვა, საზოგადოებრივი წესრიგი და უსაფრთხოება

1.1 პროგრამის დასახელება და პროგრამული კოდი: საზოგადოებრივი წესრიგი, სახელმწიფო საზღვრის დაცვა და საერთაშორისო თანამშრომლობის გაერთიანება/გაღრმავება (30 01)

პროგრამის განმახორციელებელი: საქართველოს შინაგან საქმეთა სამინისტროს ორგანოები და საქართველოს შინაგან საქმეთა სამინისტროს – სახელმწიფო საქვეუწყებო დაწესებულება საქართველოს სასაზღვრო პოლიცია

ათას ლარებში

პროგრამის კოდი	დასახელება	წლიური დამტკიცებული მოცულობა	წლიური დაზუსტებული მოცულობა	საანგარიშო პერიოდის საკასო შესრულება	საკასო შესრულების % წლიური დაზუსტებულ გეგმასთან მიმართებაში	საკუთარი სახსრებიდან მიმართული თანხები (ასეთის არსებობის შემთხვევაში)
30 01	საზოგადოებრივი წესრიგი, სახელმწიფო საზღვრის დაცვა და საერთაშორისო თანამშრომლობის გაერთიანება/გაღრმავება	549,861.60	547,013.91	374,999.25	68.6%	0.00

საანგარიშო პერიოდში პროგრამის ფარგლებში განხორციელებული ღონისძიებების მოკლე აღწერა:

საანგარიშო პერიოდში მიმდინარეობდა საქართველოს შინაგან საქმეთა სამინისტროს სისტემაში შემავალი და სხვა სამსახურების მიერ გამოვლენილი დანაშაულისა თუ სამართალდარღვევების ცენტრალიზებული აღრიცხვა, ინფორმაციის დამუშავება და ანალიზი;

სისტემატიურად გაიცემოდა სტატისტიკური და სხვა სახის ინფორმაციები სხვადასხვა სამსახურებიდან და ორგანიზაციებიდან შემოსული მოთხოვნების შესაბამისად. პერმანენტულად მიმდინარეობდა სხვადასხვა მნიშვნელოვანი ინფორმაციის დაგროვება და ანალიზი მაგალითად ოჯახურ კონფლიქტებთან და ძალადობებთან, საგზაო - სატრანსპორტო შემთხვევებთან დაკავშირებული ინფორმაცია. სტატისტიკისა და კრიმინალური სოციოლოგიის განყოფილებაში, 2013 წლის 9 თვეში აღირიცხა 964 672 სამართალდარღვევის ფაქტი, შემოწმებულ იქნა მოთხოვნა 102 164 პირზე, გაიცა ცნობა ნასამართლეობაზე – 39 156, ნასამართლეობაზე შემოწმდა 8 386 პიროვნება, ოპერატიული შემოწმება გაიარა 91 871 პირმა, განხორციელდა 127 617 იურუდიული პირის იდენტიფიცირება, ინფორმაციულ ბაზასთან მიმართებაში ჩატარებულია 8 900-მდე სხვადასხვა ოპერაცია, ასევე სისტემატიურად ხორციელდებოდა მონაცემთა ბაზაში

არსებული შეცდომების აღმოჩენა და სათანადო დანაყოფებისათვის გადაგზავნა შემდგომი რეაგირების მიზნით;

საქართველოს შინაგან საქმეთა სამინისტროს სამსახურებრივ რესურსებზე წვდომის უსაფრთხოების გაზრდის მიზნით ერთჯერადი პაროლის გენერაციის მოწყობილობები გაცემულია უფლებამოსილ თანამშრომლებზე – 2 448 ერთეული;

კანონსაწინააღმდეგო ქმედებათა აღკვეთის მიზნით საანგარიშო პერიოდში: საზღვრის უკანონო გადაკვეთაზე დაკავებულია 34 პირი; სასაზღვრო რეჟიმის დარღვევაზე დაკავებულია 42 პირი; დაფიქსირდა საჰაერო სივრცის დარღვევის 3 ფაქტი.

სანაპირო დაცვის დეპარტამენტის მიერ საქართველოს საზღვაო სივრცეში დაფიქსირდა 86 ადმინისტრაციული სამართალდარღვევა: სახელმწიფო ბიუჯეტის სასარგებლოდ ამოღებული თანხის ოდენობამ დაახლოებით შეადგინა 840 350.00 ლარი;

განხორციელდა სამაშველო ოპერაციები ზღვაზე ადამიანის ძებნის და მისი სიცოცხლის გადარჩენის მიზნით.

საანგარიშო პერიოდში მიმდინარეობდა მესაზღვრეთა პროფესიული გადამზადების კურსები, სწავლება გაიარა სასაზღვრო პოლიციის 74 მოსამსახურემ; საქართველოს ფარგლებს გარეთ მომზადება-გადამზადება გაიარა 101 მოსამსახურემ. ვიზიტებში, კონფერენციებსა და სამუშაო შეხვედრებში საქართველოში და მის ფარგლებს გარეთ მონაწილეობა მიიღო სასაზღვრო პოლიციის 112 თანამშრომელმა. ინგლისური ენის შემსწავლელ კურსს გადის სანაპირო დაცვის 66 მოსამსახურე.

სახელმწიფო საზღვრის დელიმიტაციისა და დემარკაციის ექსპერტთა სამუშაო ჯგუფის ხელმძღვანელთან ერთად საანგარიშო პერიოდში დაიწყო და მიმდინარეობს მუშაობა სახელმწიფო საზღვრის დელიმიტაციის საკითხებთან დაკავშირებით მასალების მოძიებაზე, მომზადებაზე და შემდგომ მათ ანალიზზე;

ჩატარდა სასაზღვრო პოლიციის N3 სამმართველოსა (წითელი ხიდი) და აზერბაიჯანის რესპუბლიკის ყაზახის რაზმის სასაზღვრო წარმომადგენელთა სამუშაო შეხვედრა;

აზერბაიჯანულ მხარესთან ერთად ჩატარდა საქართველო აზერბაიჯანის რესპუბლიკის სახელმწიფო საზღვრის ერთობლივი აზომვები სასაზღვრო პოლიციის N3 სამმართველოს (წითელი ხიდი) N9 სასაზღვრო სექტორის (ვახტანგისი) დასაცავ მონაკვეთზე;

საანგარიშო პერიოდში ჩატარდა სასაზღვრო პოლიციის თანამშრომელთა და სომხეთის რესპუბლიკის სასაზღვრო უწყების წარმომადგენელთა სამუშაო შეხვედრა;

საქართველოს სახელმწიფო საზღვრის სადელიმიტაციო ექსპერტთა ჯგუფების ხელმძღვანელთან ერთად ჩატარდა აზომვები საქართველო–სომხეთის რესპუბლიკის სახელმწიფო საზღვრის სასაზღვრო პოლიციის N3 სამმართველოს (წითელი ხიდი) N6 სასაზღვრო სექტორის (სადახლო) დასაცავ მონაკვეთზე;

საანგარიშო პერიოდში დაიწყო და მიმდინარეობს №2 სამმართველოს (ახალციხე) სექტორების „კარწახი“-ს და „სამება“-ს სამშენებლო სამუშაოები;

დამონტაჟდა №5 სამმართველოს (ლაგოდეხი) ადმინისტრაციულ შენობაზე მეხამრიდები;

განხორციელდა №9 სამმართველოს (მესტია) სასაზღვრო სექტორის (ჭუბერი) ელექტროფიცირება;

სისხლის სამართლის სისტემის რეფორმის ფარგლებში 2013 წლის 9 თვეში სსიპ „112“-ს დაემატა კიდევ ერთი სერვერი, რომელიც ზარების შემოდინების დროს ხარვეზის აღმოფხვრას შეუწყობს ხელს. აღნიშნული ემსახურება საქართველოს მასშტაბით საგანგებო სიტუაციების არსებობის შემთხვევაში, შემოსულ ზარებზე სწრაფ რეაგირებას და პიკის საათებში დამატებითი ოპერატორების მობილიზებას, ასევე ზარის ინიციატორისათვის დროული დახმარების აღმოჩენას.

დაკავებულთა ინფორმირებისა და მათი უფლებების დაცვის მიზნით, საქართველოს მასშტაბით ყველა დროებით მოთავსების იზოლატორში თვალსაჩინო ადგილას (საკნებთან და საგამოძიებო ოთახებთან), განთავსებულია ბრალდებულის სახით დაკავებულთა და ადმინისტრაციული წესით დაკავებულთა პროცესუალური უფლებების ნუსხა 5 ენაზე (ქართული, რუსული, ინგლისური, აზერბაიჯანული, სომხური).

გრძელდება დროებითი მოთავსების იზოლატორების ინფრასტრუქტურის გაუმჯობესება და მათ საერთაშორისო სტანდარტებთან შესაბამისობაში მოყვანა. მიმდინარეობს იზოლატორების სისტემატური განახლება/გარემონტება და ახალი იზოლატორების მშენებლობა. საანგარიშო პერიოდში, აშენდა 2 იზოლატორი ფოთსა და ზესტაფონში. ასევე მიმდინარეობს თბილისისა და მცხეთა–თიანეთის დროებითი მოთავსების იზოლატორის სარემონტო სამუშაოები.

განხორციელდა სასწავლო ვიზიტი ვარშავაში, სადაც გაზიარებულ იქნა პოლონეთის გამოცდილება არალეგალური მიგრაციის, რეადმისიისა და დაბრუნების საკითხებზე.

გაიმართა იორდანის ჰაშიმიტური სამეფოს საზოგადოებრივი უსაფრთხოების დეპარტამენტის დელეგაციის ვიზიტი, რომელიც მიზნად ისახავდა თანამშრომლობის გაღრმავებას იორდანის სამართალდამცავ უწყებებთან და გამოცდილების გაზიარებას ისეთ სფეროებში, როგორიც არის ნარკოტიკების და ტერორიზმის წინააღმდეგ ბრძოლა და პოლიციელთა მომზადების სპეციფიკა.

საქართველოში ოფიციალური ვიზიტით იმყოფებოდნენ ჩეხეთის რესპუბლიკის შინაგან საქმეთა სამინისტროსა და პოლიციის ექსპერტები. ვიზიტის მიზანს წარმოადგენდა ექსპერტების დონეზე კონკრეტული სამსახურების საქმიანობასთან გაცნობა, გამოცდილების გაზიარება, ორმხრივი, პირდაპირი კონტაქტების დამყარება და განვითარება. შეხვედრაზე განიხილულ იქნა ისეთი თემები, როგორიცაა შიდა უსაფრთხოების მიმოხილვა საქართველოში, დანაშაულებრივი ტენდენციები და პრევენციული ზომები; საქართველოს შინაგან საქმეთა სამინისტროსა და სამართალდამცავი ორგანოების სტრუქტურა, მათი კომუნიკაცია საზოგადოებასთან;

გაიმართა კატარის შინაგან საქმეთა სამინისტროს დელეგაციის ვიზიტი. ვიზიტის მიზანს წარმოადგენდა საქართველოს შსს აკადემიის გამოცდილების გაზიარება სამართალდამცავ სფეროში განათლებისა და ტრენინგების კუთხით, ასევე კატარის

დელეგაციის ინფორმირება საქართველოს საპატრულო პოლიციის საქმიანობის, პატრულირების ორგანიზებისა და ტურისტების დიდი ნაკადის მენეჯმენტის შესახებ.

გაიმართა სამუშაო შეხვედრა თურქეთის რესპუბლიკის პოლიციის ატაშესთან. შეხვედრის საგანს წარმოადგენდა საქართველოს შსს დანაყოფების საჭიროების განხილვა და შესაბამისი სასწავლო ვიზიტების დაგეგმვა თურქეთის რესპუბლიკის ეროვნული პოლიციის აკადემიაში.

გაიმართა დიდი ბრიტანეთის დანაშაულის წინააღმდეგ ბრძოლის ეროვნული სააგენტოს (NCA) კიბერდანაშაულის განყოფილების ექსპერტთა ვიზიტი.

შეხვედრის მიზანი იყო კიბერდანაშაულთან ბრძოლის სფეროში შესაძლებლობებისა და საჭიროებების გამოვლენა, რაც მომავალში მოგვცემს შესაძლებლობას დაიგეგმოს მათ საჭიროებებზე მორგებული ტრენინგები.

განხორციელდა სამუშაო შეხვედრა ავსტრიის პოლიციის ატაშესთან. შეხვედრის მიზანი იყო საქართველოს შსს დანაყოფების საჭიროების განხილვა და სასწავლო ვიზიტების დაგეგმვა ავსტრიის შსს შესაბამის დანაყოფებში.

არასრულწლოვანთა სისხლის სამართლებრივ და ადმინისტრაციულ სამართალდარღვევებში მონაწილეობის თავიდან აცილების მიზნით, საქართველოს შინაგან საქმეთა სამინისტრო საერთაშორისო ორგანიზაცია „PH-International“-თან და საქართველოს განათლებისა და მეცნიერების სამინისტროსთან ერთად ახორციელებს პროექტს „სამართლებრივი განათლების პროგრამას“. აღნიშნული პროექტის ფარგლებში უზნის ინსპექტორები და მასწავლებლები მე-7 და მე-9 კალსის მოსწავლეებს განსაზღვრული გრაფიკით უტარებენ გაკვეთილებს, რომლის დროსაც მოსწავლეები იღებენ ინფორმაციას არასრულწლოვნებისა და დანაშაულის შესახებ, აღდგენით მართლმსაჯულებაზე, მოზარდთა ფსიქო-სოციალური პორტრეტზე, ძალადობის სახეობებზე და სხვა მათთვის მნიშვნელოვან და საინტერესო საკითხებზე. საანგარიშო პერიოდში ჩატრდა 3000-მდე გაკვეთილი საქართველოს 46 სკოლაში: თბილისში, თელავში, ყვარელში, გორში, ახალციხესა და სამტრედიამი.

პოლიციელთა სამსახურებრივი მოვალეობების ჯეროვანი და ეფექტიანი შესრულების მიზნით, შსს-ს მიერ შემუშავდა საპატრულო პოლიციის, მესაზღვრე-კონტროლიორის, სასაზღვრო პოლიციისა და დროებითი მოთავსების იზოლატორთა თანამშრომლების ქცევის ინსტრუქციები.

ძალადობისაგან დაცვის ეროვნული ქსელისა და გაეროს ქალთა ფონდის ერთობლივი ორგანიზებით და შვედეთის საერთაშორისო სააგენტოს (SIDA) დაფინანსებით ხორციელდება პროექტი „გენდერული თანასწორობის ხელშეწყობისათვის საქართველოში“, რომლის ფარგლებშიც ტარდება ტრენინგები ოჯახში ძალადობის საკითხებზე. საანგარიშო პერიოდში ჩატრდა ტრენინგები სამცხე-ჯავახეთსა და იმერეთში. გადამზადება გაიარა შსს რეგიონალური დანაყოფების 60 თანამშრომელმა.

დაიწყო და მიმდინარეობს საქართველოს შინაგან საქმეთა სამინისტროს მთელი რიგი ადმინისტრაციული შენობების სარემონტო-სარეკონსტრუქციო სამუშაოები. ასევე, საანგარიშო პერიოდში დაიწყო ჭიათურის მუნიციპალიტეტის სოფელ ეწერში, დაბა გუდაურში, საჩხერის რაიონის სოფელ გორისაში, დაბა მესტიაში და დაბა სტეფანწმინდაში

პოლიციის განყოფილებების ახალი შენობების მშენებლობა. დაიწყო და მიმდინარეობს ქ.თბილისში, თბილისის ზღვის მიმდებარე ტერიტორიაზე შინაგან საქმეთა სამინისტროს სპეციალური და საგანგებო ღონისძიებების ცენტრის სპორტული დარბაზის შენობის სამშენებლო სამუშაოები.

თანამშრომელთა საბინაო მოწყობის მიზნით საანგარიშო პერიოდში განხორციელდა ქ. ახალციხეში, მშენებარე კორპუსში, 20 საცხოვრებელი ბინის გადმოცემა საქართველოს ფინანსთა სამინისტროს შემოსავლების სამსახურის მიერ, რომელიც გადაანაწილდა საქართველოს შინაგან საქმეთა სამინისტროს თანამშრომლებზე. შესაბამისად გადახდილ იქნა აღნიშნული ბინების ღირებულებიდან 1/3 შს სამინისტროს წილი.

საანგარიშო პერიოდში სამინისტროს მიერ გამოცხადდა კონკურსები პოლიციის ახალი შენობის საუკეთესო ესკიზური პროექტების, საუკეთესო არქიტექტურულ - გეგმარებითი სტრუქტურის და შენობების გარე სახის კონცეპტუალური ესკიზური პროექტების გამოვლენის მიზნით. ზემოაღნიშნულ კონკურსებში გამარჯვებული პირები დაჯილდოვდნენ ფულადი პრემიებით.

მიმდინარე წლის 9 თვეში განხორციელდა პატრულ ინსპექტორების აღჭურვილობის განახლება. კერძოდ: შეძენილ იქნა ელექტრო შოკები და სამკერდე ვიდეო კამერები. ასევე შეძენილ იქნა საპატრულო მანქანებისთვის დღისა და ღამის ხედვის რეჟიმის მქონე ვიდეოკამერები. განხორციელდა შს მოსამსახურეების უნიფორმის განახლება.